

Salmo 68:1 Sige na, O Dios, laptaha ang imo mga kaaway. Kabay pa nga magpalagyo sila.

Salmo 5:9,10 Indi masaligan ang ginasiling sang akon mga kaaway, kay ang ila handom amo ang paglaglag sa iban. Ang ila mga ginahambal indi maagwanta pareho sang bukas nga lulubngan nga mabaho. Ang ila mga ginasugid pulos pangdaya. 10 O Dios, siluti ang akon mga kaaway. Kabay pa nga ang ila malaot nga mga plano amo mismo ang magalaglag sa ila. Sikwaya sila tungod sang ila madamo nga mga sala, kay nagrebelde sila sa imo.

Salmo 7:1,2 Ginoo nga akon Dios, sa imo ako nagapangayo sang proteksyon. Luwasa ako sa mga nagasalakay sa akon, 2 kay kon indi, basi patyon nila ako pareho sang paggus-ab sang leon sa iya biktima, kag wala sing may makaluwas sa akon.

Salmo 11:6 Paulanan niya sang nagadabdab nga baga kag asupre ang mga mal-aot; kag mabaton nila halin sa iya ang mainit nga hangin nga magapaso sa ila.

Salmo 18:2 Ikaw, Ginoo, ang akon palalipdan nga bato, ang akon mabakod nga palanaguan kag manughilway. Bilang palalipdan nga bato, makapanago ako sa imo. Ikaw ang akon taming, gamhanan nga manluluwas, kag dalangpan.

Salmo 18:14,17 Ginpana mo sang kilat ang imo mga kaaway, kag nagpalalagyo sila nga nagasalasala. 17 Ginluwas mo ako sa akon gamhanan nga mga kaaway nga indi ko masarangan.

Salmo 18:39 Ginhatagan mo ako sang kusog sa pagpakig-away kag ginpadaog sa akon mga kaaway.

Salmo 18:45,48 Nadulaan sila sang kaisog, gani nagaguwa sila sa ila mga palanaguan nga nagakurog sa kahadlok. 48 Ginaluwas mo ako sa akon mapintas nga mga kaaway, kag ginapadaog mo ako sa ila.

Salmo 23:3 Ginapabaskog mo ako. Ginatuytuyan mo ako sa husto nga dalan agod mapadungan ka.

Salmo 27:11 Tudlui ako sang imo pamaagi. Tuytuyi ako sa husto nga dalan tungod sang akon mga kaaway.

Psalms 31:15 Ang akon kapalaran ara sa imo; luwasa ako sa akon mga kaaway nga nagahingabot sa akon.

Salmo 34:4,7 Nagpangamuyo ako sa Ginoo kag ginsabat niya ako. Ginkuha niya ang tanan ko nga kahadlok. 7 Ang anghel sang Ginoo nagabantay sa mga nagatahod sa Ginoo, kag ginaluwas niya sila sa katalagman.

Salmo 34:13 indi siya dapat maghambal sing malain kag indi magbinutig.

Salmo 34:17-19 Nagapanawag sa iya ang mga matarong, kag ginasabat niya sila. Ginaluwas niya sila sa tanan nila nga kalisod. 18 Malapit ang Ginoo sa mga napaslawan. Ginaluwas niya ang mga nadulaan sang paglaom. 19 Bisan madamo ang mga kalisod sang matarong nga tawo ginaluwas siya sang Ginoo

sa sining tanan.

Salmo 35:1-8,10 Kontraha, Ginoo, ang mga nagakontra sa akon. Awaya ang mga nagaaway sa akon. 2 Kuhaa ang imo taming kag sagang, kag buligi ako. 3 Ihanda ang imo gamay kag dako nga bangkaw batok sa mga nagalagas sa akon, kag pasaliga ako nga luwason mo ako. 4 Kabay pa nga ang mga nagatinguha sa pagpatay sa akon mahuy-an. Kabay pa nga ang mga nagaplano sang akon kalaglagan magapalalagyo nga nagasalasala. 5 Kabay pa nga mangin pareho sila sa upa nga ginapalid sang hangin samtang ginatabog sila sang imo anghel. 6 Kabay pa nga mangin madulom kag madanlog ang ila alagyan samtang ginalagas sila sang imo anghel. 7 Bisan wala sing kabangdanan nagbutang sila sang siod sa tago para madakpan ako kag nagkutkot sila sang buho para mahulog ako. 8 Kabay pa nga makibot sila sa kalaglagan nga magaabit sa ila. Kabay pa nga sila mismo ang masiod sa siod nga ginbutang nila sa tago. Kabay pa nga sila mismo ang mahulog sa buho nga ila ginkutkot. 10 Ang kabug-usan sang akon kabuhi magasiling, “Wala gid sing pareho sa imo, Ginoo. Ginaluwus mo ang mga kubos kag mga imol sa mga nagadaogdaog kag nagapamintaha sa ila.”

Salmo 36:7-9 Daw ano ka bilidhon sang imo gugma, O Dios. Ginaprotektaran mo ang mga tawo pareho sang pagprotektar sang pispis sa iya mga buto sa idalom sang iya pakpak. 8 Nagapaayaw sila sa kabugana sang pagkaon sa imo balay; ginapainom mo sila sa imo manami nga tubig. 9 Kay ikaw ang ginahalinan sang kabuhi. Ginapanagan mo kami, kag nagakasanagan ang amon hunahuna.

Salmo 37:5 Itugyan ang bug-os mo nga kabuhi sa Ginoo; magsalig sa iya kag himuong niya ini:

Salmo 37:23,24 Ginagiyahan sang Ginoo ang mga tikang sang tawo nga ang iya pagkabuhi makapalipay sa iya. 24 Bisan masandad siya, indi siya matumba tungod kay ginauyatan siya sang Ginoo.

Salmo 37:40 Ginabuligan niya sila kag ginaluwus sa mga malaot, tungod kay nagapangayo sila sang proteksyon sa iya.

Salmo 39:1 Nagsiling ako sa akon kaugalingon, “Bantayan ko gid ang akon pamatasan, kag likawan ko nga makasala sa akon paghambal. Punggan ko gid ang akon baba nga magrekiamo sa Dios samtang ara sa akon tupad ang malaot nga mga tawo.”

Salmo 41:4 Nagsiling ako, “Ginoo, kaluoyi ako. Ayuha ako, kay nakasala ako sa imo.”

Salmo 42:5,11 Ngaa bala nga nagapangasubo kag nagakatublag gid ako? Dapat magsalig ako sa imo. Huo, dayawon ko ikaw liwat, ikaw nga akon manluluwas kag Dios. 11 Ngaa bala nga nagapangasubo kag nagakatublag gid ako? Dapat magsalig ako sa imo kag dayawon ko ikaw liwat, ikaw nga akon manluluwas kag Dios. (Salmo 43:5)

Salmo 43:1 Pamatud-i, O Dios, nga wala ako sing sala, kag apini ako batok sa mga indi diosnon nga mga tawo. Luwasa ako sa dayaon kag malaot nga mga

tawo.

Salmo 44:4 Ikaw ang akon Hari kag Dios nga nagadeklarar sang kadalag-an sa amon nga mga kaliwat ni Jacob.

Salmo 51:4 Sa imo lang gid ako nakasala. Ginhimo ko ang mga butang nga ginakabig mo nga malaot. Gani husto ikaw sa imo mga ginhambal batok sa akon. Wala ka nagsala sa imo paghukom sa akon.

Salmo 52:5 Sigurado nga laglagon kamo sang Dios sa wala sing katapusan. Dakpon niya kamo kag guyuron paguwa sa inyo mga balay. Kag bawion niya ang inyo kabuhi.

Salmo 54:7 Kay hilwayon mo gid ako sa tanan ko nga kalisod, kag makita ko gid ang pagkapierdi sang akon mga kaaway.

Salmo 55:18 Luwason niya ako nga indi ako maano sa akon pagpakig-away, bisan madamo ang nagakontra sa akon.

Salmo 59:2 Luwasa ako sa malaot nga mga tawo nga manugpatay.

Salmo 60:12 Magadaog kami paagi sa imo bulig, O Dios, kay pierdihon mo ang amon mga kaaway.

Salmo 63:11 Magakalipay ang hari tungod sa ginhimo sang Dios sa iya. Magakalipay man ang tanan nga nagapromisa sa ngalan sang Dios. Pero pahipuson sang Dios ang mga baba sang mga butigon.

Salmo 66:3 Hambali ninyo siya, “O Dios, daw ano ka makatilingala ang imo mga binuhatan. Tungod sa imo dako nga gahom, ang imo mga kaaway nagaluhod sa imo sa kahadlok.

Salmo 68:6 Ginahatagan niya sang pamilya ang mga nagaisahanon kag ginahilway niya sing malipayon ang mga ginbihag. Pero ang mga rebelde magaestar sa mamala kag mainit nga duta.

Salmo 68:35 Makatilingala ang Dios sang Israel samtang nagapaguwa siya sa iya balaan nga puluy-an. Ginahatagan niya sang gahom kag kusog ang iya katawhan. Dalayawon ang Dios!

Salmo 70:1 Ginoong Dios, luwasa ako kag buligi gilayon.

Salmo 71:13 O Dios ko, luwasa ako sa kamot sang malaot kag mapintas nga mga tawo.

Salmo 71:13 Kabay pa nga ang mga nagaakusar sa akon mahuy-an kag malaglag. Kabay pa nga ang gusto maghalit sa akon, mahuy-an kag yagutaon.

Salmo 72:12 Kay ginabuligan niya ang mga pinabay-an nga mga kubos, nga nagapangayo sang bulig sa iya.

Salmo 76:12 Ginapaubos niya ang bugalon nga mga pangulo; ginakahadlukan siya sang mga hari sa kalibutan.

Salmo 79:9 Buligi kami, O Dios nga amon manluluwas, agod madayaw ka. Luwasa kami kag patawara sa amon mga sala agod mapadungan ka.

Salmo 86:17 Hatagi ako sang tanda sang imo kaayo agod makita ini sang akon mga kaaway kag mahuy-an sila. Kay ikaw, Gino, ang nagabulig kag nagalipay sa akon.

Salmo 91:14,15 Nagsiling ang Dios, “Luwason ko kag protektaran ang

nagahigugma kag nagkilala sa akon. 15 Kon magpanawag siya sa akon, sabton ko siya; kon ara siya sa kalisod, updan ko siya; luwason ko siya kag padunggan.

Salmo 92:11 Nabatian ko kag nakita mismo ang pagkapierdi sang akon malaot nga mga kaaway.

Salmo 103:10 Wala niya kita ginsilutan sang nagakabagay sa aton mga sala. Wala siya nagbalos sa aton suno sa aton mga kalautan.

Salmo 104:9 Ginbutangan mo sila sang mga dulunan nga indi nila malapawan, agod indi nila liwat matabunan ang kalibutan.

Salmo 107:6 Sa ila nga kalisod, nagpanawag sila sa Ginoo, kag ginluwas niya sila.

Salmo 118:10,12 Ginlibutan ako sang madamo nga mga nasyon nga akon kaaway, pero ginpierdi ko sila paagi sa gahom sang Ginoo. 12 Ginsalakay nila ako pareho sa panong sang putyukan, pero gintapna sila gilayon pareho sa ginasunog nga dagami nga nagakapatay dayon. Ginpierdi ko sila paagi sa gahom sang Ginoo.

Salmo 121:7,8 Tipigan ka sang Ginoo sa tanan nga katalagman; tipigan niya ang imo kabuhi. 8 Ang Ginoo magatipig sa imo subong kag hasta san-o, bisan diin ka makadto.

Salmo 138:3 Sang magpanawag ako sa imo, ginsabat mo ako; ginpabakod mo ako paagi sa imo kusog.

Salmo 140:1,4,5 Ginoo, luwasa ako sa malaot kag mapintas nga mga tawo. 4 Protektari ako, Ginoo, sa kamot sang malaot kag mapintas nga mga tawo, nga nagaplano sa paglaglag sa akon. 5 Nagbutang ang mga bugalon sang siod para sa akon; naghulmad sila sang ila mga lambat agod masiod nila ako sa akon alagyan.

Salmo 142:6 Pamatii ang akon pagpangayo sang bulig, kay wala na gid ako sing may mahimo. Luwasa ako sa mga nagahingabot sa akon, kay makusog sila para sa akon.

Salmo 143:9 Luwasa ako sa akon mga kaaway, Ginoo, kay sa imo ako nagapangayo sang proteksyon.

Salmo 147:14 Ginahatagan niya sang kalinong ang inyo lugar, kag ginabusog niya kamo sang pinakamaayo nga trigo.

Salmo 149:6-9 Magdayaw sila sing mabaskog sa Dios samtang nagauyat sila sang matalom nga mga espada, 7 sa pagpanimalos kag pagsilot sa mga katawhan sang mga nasyon, 8 sa pagkadena sang ila mga hari kag mga pangulo, 9 sa pagsilot sa ila suno sa ginsugo sang Dios. Ini para sa kadayawan sang tanan nga iya matutom nga katawhan. Dayawa ang Ginoo!